



**Sámi
allaskuvla**

Oahppoplána

Sámi girjjálašvuoda vuodđokursa

SÁM 111

10 oahppočuoggá



Dutkan- ja oahppostivra dohkkehan 17.4.2015 čeahkkimis 7/2015 áššis DOS 44-15. Gielladieđagoađi jodiheadji dohkkehan mearrádusnotáhtain 22.6.2015 Dutkan- ja oahppostivrra mearrádusa áššis DOS 89/13 vuodul. Gielladieđagoađi jodiheadji dohkkehan rievdadusaid mearrádusnotáhtain 27.08.2015. Rievdadusat dohkkehuvvon goahtejodiheadji mearrádusnotáhta bokte 01.06.18 (Public áššenr. 18/00244-1), 29.03.21 (Public áššenr. 21/00278-1) ja 01.07.24 (Public áššenr. 24/00412-1).

1. Oahpu namma

Sámegillii: Sámi girjjálašvuoda vuodđokursa

Dárogillii: Innføring i samisk litteratur

Eanjalasgillii: Sámi literature, basic course

2. Oppalaš dieđut oahpu birra

Oahpu koda: SÁM 111

Dássi: Bachelor, vuodđooahppu

Viidodat: 10 oahppočuoggá

Galli lohkanbaji badjel: 1

Oahpu lágideapmi: Dábálaččat luohkkálatnjaoahpahussan Sámi allaskuvllas Guovdageainnus. Sáhtta maid lágiduvvot neahttaoahpahussan.

3. Oahpu gullevašvuhta

Geatnegahtton fágaoahppu sámegiela ja sámi girjjálašvuoda bachelorprográmmas.

4. Sisabeassangáibádusat

Dábalaš sisabeassangáibádusat alitoahpahussii ja sámegielmáhttu. Sisabeassanvuodđu sáhtta leat juogo oppalaš lohkanlabbolašvuhta (čadahan joatkkaskuvlla/logahaga/gymnása) dahje reálagelbbolašvuhta. Oppalaš lohkanlabbolašvuoda gáibádusat olgoriikkaohcciide bohtet ovdan *GSU-listtus*. Jus oahppu lágiduvvo sámegillii dahje amasgillii, de olgoriikkaohcciide ii gusto dárogielgáibádus, vrd. [*Forskrift om opptak til høgare utdanning § 2-2 \(6\)*](#).

Sámegiela gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđaaigásaš giellan (moderna språk 200–300 čuoggá) dahje vástideaddji sámegielloahppu doaimmi njuolggadusaid mielde. Sámegiela gáibádusa sáhtta maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuhta man dási gelbbolašvuhta ohccis lea, de ášši ovddiduvvo fágalaš árvoštallamii ja meannuduvvo dán vuodul.

5. Oahpahu- ja eksámengiella

Davvisámegiella.

6. Sisdoallu

Oahppoollisvuohta addá vuoddo- ja guovddáš dieđuid sámi girjjálašvuođas ja dan historjjás, njálmmálaš girjjálašvuođas ja dutkamis dieđan, ja maiddá vuoddogálggaid sátnedáiddaduiid analyseremii ja dulkomii.

7. Oahppanjoksos

Sámi girjjálašvuođa oahpu maŋŋá studeanta máhtá suokkardit, makkár analyseren-, dulkon- ja árvvoštallanprinsihpat leat kultuvrralaččat heivvolaččat dujiide, mat ovddastit sámi girjjálašvuođa njálmmálaš ja čállon šlájaid. Oahpu maŋŋá studeanta ipmirda oppalaččat, makkár mearkkašupmi njálmmálaš ja čálalaš girjjálašvuođa teavsttain leamaš ja lea Sámi servodagain ja kultuvrras. Studeanta dovda maiddá oppalaččat sámi girjjálašvuođa šlájaid ovdáneami ja historjjá.

8. Oahpahan- ja oahppanvuogit

Sámi girjjálašvuođa oahppoovttadaga oahppan- ja oahpahusvuohkin leat logaldallamat, girjjálašvuođa analysabarggut, njálmmálaš ovdanbuktimat ja hárbjehusat. Ovttagbargu duodjestudeanttaiguin dahje eará studeanttaiguin lea vejolaš.

9. Gáibádušat beassat eksámenii

Ohppui gullet guokte geatnegahtton barggu:

1. Čálalaš bargu girjjálašvuođas (lyriikka dahje epiikka), man guhkkodat lea 2-3 siiddu.
2. Bargu lea njálmmálaš árbevierrosuorggis, man studeanta galgá luohkás ovdanbuktit, gaskal 5 – 10 minuhta. Studeanta gulahallá fágaoahpaheddjiin ovdanbuktima sisdoalu ja vuogi birra, ja leago oktagaslaš- vai ovdanbuktin joavkkus.

Bargguid galgá studeanta gárvvistit mearreáiggiide ja dat galget leat dohkkehuvvon ovdal eksámena.

10. Eksámen

Njealji (4) diimmu oktagaslaš čálalaš eksámen.

Árvosánit addojuvvojit ECTS vuogádaga mielde, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán.

11. Leago privatisttain vejolaš váldit dan oahpu?

Ii leat.

12. Kvalitehtasihkkarastin

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuolta searvat árvvoštallamiidda mat leat oassin kvalitehtasihkkarastinvuogádagas.